

天啟東安志

陳寶泉題



國立北平圖書館惠存

安次縣文獻委員會敬贈

二五、四、三

安次縣志
卷四
刊
種
合

蒲圻張國淦署



天啟年東安縣志存五卷
康熙年東安縣志十卷
乾隆年東安縣志廿二卷
民三年安次縣志十二卷
民國廿四年冬初刊
民國廿五年春暮成

中華民國第一丙子

天盛東安志

天津趙元禮



安次縣舊志四種合刊序

民國二十三年冬初余奉命攝篆安次下車伊始深以縣政條目繁多彼此隔膜爲病欲統籌全局權其輕重審其緩急以崇事功而恤民力非徵之地方文獻未易洞見其癥瑕爰於十二月二十一日召開縣行政會議邑中耆舊各機關各法團均函邀與會舉保衛自治財政教育建設諸大端多有切實決議次第推行原任教育局長郭君鴻群等提續修新志重印乾隆舊志兩案經公決續修新志組織文獻委員會負責進行舊志凡民三以前各志能訪求者悉與彙印用光縣粹當推崔傳禮馬敦文黃端曹乃康郭鴻群曹乃疆解汝霖陳毓琦張文熙侯玉田諸君子爲籌印委員並以郭君鴻

群董其事斯舉也誠余所跂望而不能必者也原安次自漢迄唐宋悉未易名元始改稱東安州明爲東安縣清仍之民國初年始復舊名傳聞縣之有志以明萬歷年爲最早迄今時代蛻變已散佚靡考天啓康熙二本邑中已無存者幸國立北平圖書館尙有藏本惜天啓志僅餘五卷康熙志亦有缺殘乾隆志則邑中僅耆紳馬君箸義度藏一部民三安次志歷時雖近存亦無多爰哀四種合而刊之俾天啓迄民國初元三百餘年之地方沿革風俗變遷賴以有徵又豈余初意所及料哉余亟欲觀成初由郭君鴻群赴北平圖書館商託鈔錄復由曹君乃疆及郭君赴平接洽刊印未諧最後崔君傳禮黃君端侯君玉田馬君敦文及第三科長王君維藩

同往續商而議乃定慨夫年來談新學者競尙歐美皮毛對於地方志乘不屑一顧遂致不合國情幾無所用近始有倡導社會調查爲建設鄉村基礎者茲志保存安次社會資料甚夥其於改善縣政裨補豈淺鮮哉溯自創議迄今歷時一載非諸君子熱心地方文献勞瘁弗辭未易臻此工將訖功問序於余余宰安次一年有餘愧無建樹幸睹茲志得底於成用撮其顛末以爲序

中華民國二十四年十二月冬至前三日東光王文琳序於
安次縣政府

安次縣舊志四種合刊序

余自東北淪陷僕僕於關內者已四閱星霜此次出宰安次既喜稍紓旅懷且喜獲展夙抱與斯民共休戚然言政者不察民俗之習尚吏治之癥結則無由矯其弊而挽頽風於末世然欲知習尚之所趨癥結之何在尤非根據本縣志乘恐茫昧無從著手蓋縣之有志猶國之有史也史載一代之興衰詳而靡遺志備一方之文献信而有徵皆足以追往古勗來今其旨淵哉深乎安次爲燕南文獻之最著者歷漢唐宋元明諸朝人才輩出其以文德武功彪炳於霄壤間者殆不可僂指計及覽志中所載舉凡山川風俗建置沿革以及典章文物諸大端靡不燦然俱備益可見邑中耆老數典不忘

之深意耳惜於庚子之役文獻稍燬於兵火令人莫窺全豹不無感慨係之雖此後續修尙未絕響旁撫博拾究難免史有闕文之憾余素諗縣志之續斷關乎文化之隆替遂於下車伊始賡續王前任成議召集各鄉鎮士紳推銷舊志續修新志衆皆善其事且願殫精竭慮以赴之雖由余提倡之力亦諸君贊助之功也茲當舊志訖工勉綴俚語於卷首用誌不忘云爾

中華民國二十五年三月三日安次縣長李德潤序

安次縣舊志四種合刊序

民國辛未壬申之際省檄徵集志料邑侯趙公菊人擬乘此續修新志爰有徵集志料委員會及修志局之設而乾隆東安志已不可得縣人魏氏乃出其先人手鈔本介余獻之縣府趙公恐其久而易失也主捐貲重印并自捐百元爲之倡餘由各機關職員捐助將來售價全數作爲修志經費惟鈔本有缺葉及譌奪字趙公屬余校對適趙公受代將去以所捐百元存之官銀號又自撰重刊抄本乾隆志序文以付余意謂書之成特指顧問事耳其後乃以種種關係遲未付印趙公蒞故城任後曾手書詢問而無以應也越歲甲戌今縣長東光王公召開縣行政會議議決以四次續修志蒐集善

本合併付印組織重印舊志委員會負責進行時歷歲餘開會若干次推代表赴舊都商印又若干次王縣長並捐廉五十元以助之遂於乙亥之冬訂定合同觀成乃有日矣蓋成一事若斯之難也雖然此次重印舊志四種其天啓康熙兩志鈔自北平圖書館天啓志祇存卷二至卷六乾隆志爲余老友馬君箸義家藏初印本有經箸義校正之處如王二傳原本缺文千字若箸義據家藏足本寄園寄所寄補之之類尤原撰人所屢求而不能得者見本志王二傳後原撰人按語民三安次志即箸義主撰之初印本亦有校補遷延四載竟得蔚成鉅觀余忝獲始終其事爰述其變遷概略以見謀始者如彼而成功也若此是豈初議所及料哉乙亥冬至前七日邑人張文熙

東安縣志卷之二

食貨

戶

唐開元二十三年一萬二千戶 遼史

本朝原額四千六百一十一戶

今見在一千七十二戶

逃亡二千六百九戶

口

原額三萬二千口

今見在當差六千三百四十九口

外優免二千五百五十八名

莊田

未央宮

田三百一十九頃八十七畝八分九厘二毫七分
絲今有指揮李偉討八十五頃三分九厘二毫七分

東安縣志 卷之二 戶口

永清公主 田八十七頃四十九畝

永安公主 田九十七頃三畝今改 仁孝宮

恭聖夫人 田五十五頃八十七畝五分

英國公 田一十三頃六十七畝

鎮遠侯 田二頃四十畝

太寧侯 田一十一頃

安平伯 田二十七頃一十六畝四分

惠安伯 田六十二頃一畝

嘉祥公主 田二百二十一頃三十畝二分二厘

順義府儀賓 田五十八頃三十六畝

錦衣衛指揮 田六頃

隆善護國寺 田一頃八十四畝四分八厘

壩大馬房 地二百三十三頃一十八畝九分九厘

壩北馬房 地一十五頃四十六畝三厘八毫

牧馬草場 地四十一頃四十四畝一分隆慶四年新添

貢賦

官民地 共三千六百六十五頃三十六畝九分四厘二毫二絲四忽五微

官地 五百三十八頃七厘二毫二絲四忽五微

民地 三千一百二十七頃二十六畝八分七厘

夏糧 六百九十一石七斗三升二合

秋糧 一千七百四十八石五斗一升五合八勺二抄四撮二圭七粒七粟

馬草 一十萬六千三百六十束九分一厘九毫三絲二忽二微

人丁絲 折捐七十二匹一丈二尺

農桑絲 折絹二百七十六疋二丈三尺二分五厘

戶口食鹽 鈔七萬六千七百六十貫

地畝花絨 一千三百七十八斤六兩

東安縣志 卷之二 莊田

二

商稅 銀八十一兩八錢八分

魚課 銀二十六兩五錢

以上迺額制也自此制後國事日煩征求日多徐徐添派如縷民何得不窮且逃耶今將額後逐年旋添民賦開具于左

地畝 銀二千二百九十六兩七錢九分五厘四毫

按嘉靖二十九年達虜入境此年脩邊本縣起夫四千餘無處湊作工食上司

明文令起地畝銀加追十二次是一時兼用十二年之地畝可勝嘆哉

光祿寺菓品 銀二十兩五分六厘

牲口 銀九十三兩

科道皂隸一十三名 共銀一百三十三兩二錢

本府皂隸二名 共銀二十四兩

國子監膳夫四名 共銀四十兩

苦蓋木植蘆葦夫二名 共銀四十五兩

本縣儒學齋夫四名 共銀四十八兩

藍靛 銀三十兩

刑部棘茨 銀八兩七錢五分

荆杖 銀十兩五錢

水窖薔稽 銀二十二兩六錢六分

蘆葦 銀一十三兩

砍柴夫 銀一千三百四十三兩七錢

抬柴夫 銀一千一百二十五兩七錢

新添木柴夫 銀九十五兩

工部四司料價 銀一百九十五兩五錢七分五厘

搬運木柴夫 銀九十五兩

胖襖七十一副三分 共銀一百七兩四分九厘九毫

光祿寺馬連根 銀一十九兩

東安縣志 卷之二 貢賦

太常寺建言民情蘆葦 銀一十三兩

協濟良鄉縣五色土 銀三十二兩五錢

總督軍門廩給 銀二十二兩五錢 嘉靖二十二年新添

昌平道紙笥 銀五十兩

本縣皂隸五名 銀六十兩

儒學膳夫二名 銀二十四兩

鄉飲春秋二祭無祀鬼魂 共銀一百二兩

協濟各驛遞站糧 共一萬五千六十石

役

力差 銀二千五百九十四兩一錢八分

內承運庫夫一十四名 共銀七十兩

天財庫夫十八名 共銀九十兩

都察院庫子二名 銀二十兩

會同館夫十四名 今准改銀差

御馬監脚夫五名 該銀一十八兩

廣盈庫夫一名 該銀三兩六錢

明智坊庫夫六名 共銀四十三兩二錢 今改銀差

舊州民壯十二名 共銀四十三兩二錢

本縣民壯四十名 共銀一百四十四兩

國子監廟戶一名 該銀三兩

京衛武學門子一名 該銀三兩

國子監醫生一名 該銀三兩

提學 巡監 二察院皂隸三名 共銀三兩六錢

靈濟宮佃戶一名 銀一兩八錢

本府堂上各衙門皂快陰陽生共一十五名 共該銀十四兩

本縣馬快手一十六名 共銀一百六十兩

東安縣志 卷之二 役

本縣舖司兵一十六名 共銀四十三兩二錢

預備倉斗級二名 該銀三兩二錢

儒學門子二名 共銀四兩

儒學斗級四名 共銀十兩四錢

河口堤夫一百三十二名 共銀四百七十五兩

壩上脚夫一名 該銀三兩

各馬房脚夫一十八名 共兩五十四兩

新添各馬房倉脚夫五名 共銀一十五兩

小直沽巡檢司弓兵二名 共銀六兩

物產

穀類

黍	稷	大麥	小麥	蕎麥	蜀秫
穀	黃豆	紅豆	菜豆	白豆	黑豆

蔓豆	菜豆	區豆	芝麻	黎豆	粘蜀秫
稗子	黏穀	稻			
蔬類					
葱	蒜	韭	芫荽	芥	白菜
芹	茄	蕓薹	蒿苳	赤根	蘿蔔
藕	蒲笋	瓠	葫蘆	茴香	香椿
香菜	山藥	白花菜	莧		
瓜類					
王瓜	西瓜	東瓜	北瓜	甜瓜	南瓜
菜瓜	地王瓜	絲瓜			
菓類					
梨	棗	杏	李	桃	沙果
蘋菠	核桃	葡萄	金梅	水梅	石榴

東安縣志 卷之二 物產

玉皇子	牛心紅	麝香紅	唬喇檳	金桃	櫻桃
菱	雞頭	地栗	楸子	蓮子	柰
木類					
榆	柳	槐	椿	楊	松
柏	杜	銀母	檳榆	桑	
花類					
菊 各色	芙蓉 各色	玉簪萱草	牡丹	芍藥	金盞
雞冠	水紅	金鵲	葵 各色	望江南	馬藍
紫荊	蓮	海棠	剪春羅	蒿苳蓮	石竹 各色
薔薇	纏枝蓮	馬櫻花			
草類					
蒲	蘆	葦	芳	莎	水葱
荻	艾蓼	莠	萍	猪牙	節節

鷗	鳩	鵲	鴈	鶴	禽類	艾葉	益母	枸杞	大麻	藥類	蕘
鸛	鸛	鵲	黃鸝	鵲		牽牛	蒼耳	香附	夏枯		大小藍
鷹	鸛	鴨	鴛鴦	鴨		蓮殼	紫蘇	草麻	地丁		水稗
鵲	禿鶯	雀	烏鴨	雀		半夏	薄荷	浪蕩	兔絲		茅
鵲	魚鶯	鵲	雞	鵲		甘草	川芎	麻黃	車前		苔
鳬	鸛	燕	雉	燕		鳳眼	蠶沙	地黃	蒺藜		

東安縣志 卷之二 物產

絲	貨類	促織	蝶	蝦	蛇	介蟲類	銀魚	鯉	鱗類	兔	獐	牛
蜜		蝎虎	蚊	蟹	蝎		麵條	鮎		狼	犬	馬
蠟		蟋蟀	蟻	蚌	蛙		淮	鯽		鼠	猫	騾
綿		蜘蛛	螽	蝸	蛾			魴			狐	驢
花椒		蜻蛉	螻蛄	蟬	蠶			鱖			鹿	猪
紅花		螳螂	蚯蚓	蜂	螞蟥			鯽			貉	羊

苧麻

蒲蓆

葦簾

葦箔

葦蓆

柳器

鹽法

戶口食鹽 折鈔七萬六千七百六十貫

鹽院鹽斤 每年解銀二十二兩

巡鹽民壯 每季五名

按食鹽固取給國賦實民生一日不可缺者禁遏私販開通官鹽制亦善矣近有壘徒承嚴禁私販之時藉齊天難抗之勢載鹽無數欺壓職司挨門強給非惟斤數不足又且價銀加倍雖安石之青苗法亦不過是夫東安自洪武以來未有挨門強散之法自萬曆九年始噫鹽本養民之物而反爲虐以一商興利之故而害及槩縣爲民父母寧不爲之痛心乎近蒙

知縣阮宗道一爲國賦計一爲民生計平日嚴禁私販官鹽至亦不照前強散特令鹽商平價自賣國賦民生兩得之矣噫後之司民牧者不可不留心於斯按食貨志所記者戶口貢賦力役物產 國初戶口繁多貢賦寬裕力役減省物產饒洽邇來以來渾河爲害戶口日損工賦日急力役愈繁物產愈耗司民

牧者觀此宜加存恤亦可以望凋瘵之漸甦矣

東安縣志卷之二補遺

戶口

國制 每里十甲每甲里長一戶甲首十戶又有畸零戶此十戶之外附餘者洪武初我邑編四十四里該戶四千八百四十而畸零尚多則戶口槩可見矣黃冊每十年大造一次民數具載版圖但地瘠差重流移逃亡者甚多雖中間不無生息實不能補空虛之數故至今丁無全戶戶無全甲甲無全里甚至里甲併戶丁而無子遺如脩政宣化是也皆由見戶包逃逃丁不罪則見者效尤逃者不復則人地兩虛上司每以人逃地不逃爲論殊不知逃者實因地累而去也本人一去此地或爲豪強侵隱其糧草或爲他人詭寄加之年月積久則地去糧存地日少而糧日重見者不去則包逃寧有已乎有云戶口不增者請深究之

田畝

東安田畝之數不減於昔而可耕之地實縮於舊縣北十二里多沙灘南八里多

東安縣志 卷之二 戶口

積澇東西五里又多荒蕪且上有蕃育署之吞沒下有各莊田之侵占加以逃亡戶多奸民影射里胥低昂小民之顛連窮困久矣語有云井田廢莫善於限田限田革莫善於田均蓋田均則賦平而無包賠失業之患昔侍御胡公汝輔作令之時嘗奏均之後以調去行之未果今欲爲民立經常以定制酌盈縮以宜時均田一事誠長吏之責也

莊田

按未央宮子粒徵於戶部曩時地無水占田皆沃壤故軍民開種納租自易邇來葛漁城二十二處九河泛漲平地水深丈餘民何從而耕租何從而辦上人徵催仍急民何以堪況正德年間營莊各役大肆吞噬地之隣近者皆強占以去今民田冊有一頃之額實無二三十畝之數地既賠稅糧馬草又徵租銀子粒欲民不困窮不逃徙安可得乎前侍御俞公胡公車公親見其弊相繼丈勘爲之停徵民困稍甦吾聞爲政猶張琴瑟琴瑟不調心解而更張之乃可鼓也爲今之計宜一審覈凡水占積荒者蠲之侵吞者復之民庶幾得免爲魚乎

俱舊志

差役

東安土瘠民貧比他州縣斯爲下矣而差繁役重實倍於他處以地畝言之霸州每畝出銀六厘他州縣更又有輕者東安縣出銀一分三厘不既倍之乎至於人丁胡知縣奏議霸州下丁出銀三錢文安大城二縣止出二錢惟獨東安縣出銀四錢八分當時已稱過矣目今下下戶出至五錢五分夫丁曰下下者爲其無田產房屋生理也爲人傭力也四方就食也是安所出銀乎況出而又倍之乎宜其貧者宜貧日就逃亡倘上人不加意曲處之京輔要地何以稱重根本宣王化乎噫

東安縣志卷之二終